

MEMORIA XUSTIFICATIVA E ECONÓMICA DO CONVENIO DE COLABORACIÓN ENTRE A CONSELLERÍA DO MEDIO RURAL DA XUNTA DE GALICIA E AS COMUNIDADES DE REGANTES DE "LAMAS-GANADE", "CORNO DO MONTE", "ALTA LIMIA" E "SAN SALVADOR DE SABUCEDO" PARA A MODERNIZACIÓN DE REGADÍOS

A Consellería do Medio Rural, na forma establecida no Decreto 149/2018, do 5 de decembro, polo que se establece a estrutura orgánica da Consellería e se modifica parcialmente o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia é o órgano da Administración galega ao cal baixo a superior dirección da persoa titular do departamento lle corresponde propor e executar as directrices xerais do Goberno no ámbito rural, que engloba as competencias entre outras en materia de desenvolvemento rural e ordenación comarcal, estruturas rurais e prevención e defensa dos incendios forestais, de acordo co establecido no Estatuto de autonomía para Galicia e segundo os termos sinalados pola Constitución española.

No exercicio das súas competencias responsabilízase de accións que teñan como obxectivo directo a mellora da calidade de vida das zonas rurais, desenvolvendo as dotacións de equipamentos públicos básicos e de infraestruturas no medio rural, así como das actuacións en materia de modernización e creación de regadíos.

A importancia do regadío para a produción agrícola na Comarca da Limia é ben coñecida polos agricultores que durante máis de 30 anos están tratando de resolver as súas necesidades de auga con prácticas e estruturas individuais.

O aumento do regadío nunha comarca cunha agricultura tan intensificada como a da Limia provocou a aparición de problemas de natureza ambiental e de rendibilidade económica, xa que ao mesmo tempo que a importancia da rega se facía maior, non se acometían medidas de xestión da auga e de planificación dos recursos hídricos.

As melloras das infraestruturas de regadío na comarca comezaron a ser un feito nos anos 2003/2005 da man da Consellería do Medio Rural, coas obras de transformación en regadío de 2.017 ha na depresión de Antela (Comunidade de Regantes de Antioquía).

Posteriormente a Comunidade de Regantes "Lagoa de Antela" modernizou as súas infraestruturas de rega mediante un Convenio entre a Sociedade Estatal de Infraestruturas Agrarias, S.A. (SEIASA), a Consellería do Medio Rural e a propia comunidade, o que supuxo a modernización de 612 ha.

Á vista dos resultados obtidos nas actuacións levadas a cabo a instancia tanto da Comunidade de Regantes de Antioquía como da Lagoa de Antela, e no marco de modernización das estruturas de regadío da Limia, as Comunidades de Regantes de San Salvador de Sabucedo, Lamas Ganade, Corno do Monte e Alta Limia (A Limia – Ourense) dados os serios problemas que presentan as súas actuais estruturas de rega, estimaron necesaria a modernización de ditas estruturas para a mellora da eficiencia e sustentabilidade dos seus regadíos.



As catro zonas incluídas no programa de consolidación e modernización dos regadíos tradicionais horizonte 2008, contan coa declaración das obras como de Interese Xeral (Lei 51/2007, do 26 de decembro, de presupostos xerais do Estado para o ano 2008); as zonas están incluídas no Plan Hidrolóxico 2016-2021 (Capítulo 4, restricións ao uso, prioridades de usos e asignación de recursos do Real Decreto 1/2016, do 8 de xaneiro, polo que se aproba a revisión dos Plans Hidrolóxicos das demarcacións hidrográficas do Cantábrico Occidental, Guadalquivir, Ceuta, Melilla, Segura e Júcar, e da parte española das demarcacións hidrográficas do Cantábrico Oriental, Miño-Sil, Duero, Tajo, Guadiana e Ebro).

Por parte da directora xeral de *Desenvolvemento Rural, Innovación e Formación Agroalimentaria do Ministerio de Agricultura, Pesca e Alimentación*, comunicouse no mes de xullo deste ano 2021 a preselección do "Proxecto de mellora para o aproveitamento en regadío das 42 captacións de augas subterráneas - A Limia 2022" no marco do "Plan para a mellora da eficiencia e sustentabilidade en regadíos" incluído no "Plan de Recuperación, Transformación e Resiliencia da Economía Española" – Galicia.

Indícase por parte da precitada *Dirección Xeral* que a actuación preseleccionada publicarase no ano 2022 e que deberá estar recollida no próximo ano no correspondente convenio entre o MAPA e SEIASA.

Unha vez formalizado o convenio entre o MAPA e SEIASA, SEIASA subscribirá á súa vez un convenio coas comunidades de regantes de San Salvador de Sabucedo, Lamas Ganade, Corno do Monte e Alta Limia para a construción e explotación das obras do "Proxecto de mellora para o aproveitamento en regadío das 42 captacións de augas subterráneas - A Limia 2022".

Neste marco, con carácter previo á sinatura de ambos convenios faise necesario levar a cabo as obras de sondaxes e captacións mediante 42 pozos das augas subterráneas das Comunidades de Regantes San Salvador de Sabucedo, Lamas - Ganade, Corno do Monte e Alta Limia (A Limia – Ourense).

A Consellería considera importante a execución destas obras, contribuíndo dentro das súas dispoñibilidades orzamentarias e das súas competencias, para a mellora da eficiencia e sustentabilidade dos regadíos da Limia.

O instrumento convencional arriba referido terán unha vixencia que abrangue dende o día da súa sinatura ata o remate das actuacións contempladas no mesmo, a comunicación da recepción das obras as correspondentes Comunidades de Regantes e as formalizacións das actas de entrega, sen que poidan exceder do máximo de catro anos, prorrogables por outros catro anos máis ao abeiro do artigo 49.h) da Lei 40/2015, do réxime xurídico do Sector Público.

Existe converxencia de intereses entre as entidades asinantes en orde á consecución dos obxectos referidos.

O convenio que se pretende asinar fundaméntanse no seguinte: encádranse dentro dun marco de actuacións en infraestruturas rurais financiadas con fondos propios solicitadas polas Comunidades de Regantes para as que a Consellería do Medio Rural accede a colaborar tanto no seu financiamento como na xestión da licitación e a





execución das obras mediante a sinatura deste instrumento do convenio de colaboración.

As actuacións están diferenciadas respecto de outro tipo de actuacións en base á súa:

- **Urxencia** : Obras de urxente execución co fin de habilitar as posteriores sinaturas de convenios nos que interveñen o MAPA e a SEIASA e a execución da obra de regadío.
- **Tipoloxía**: Actuacións en materia de regadío.
- **Titularidade**: As comunidades de regantes son corporacións de dereito público reguladas no Real Decreto Lexislativo 1/2001, do 20 de xullo, polo que se aproba o texto refundido da Lei de Augas.

O financiamento das obras será con cargo á aplicación orzamentaria 14.05.551A.604.1 do exercicio 2022 e a través do proxecto contable 2017 - 00035 "Plan de infraestruturas de regadíos no medio rural". O importe total do convenio ascende a 3.712.930,73 €, desagregándose nas cantidades que para cada unha das Comunidades de Regantes aparecen detalladas a continuación:

Lamas-Ganade (13 sondaxes)	1.082.724,48 €
San Salvador de Sabucedo (6 sondaxes)	467.696,55 €
Alta Limia (10 sondaxes)	684.656,84 €
Corno do Monte (13 sondaxes)	910.618,86 €
Asistencia técnica para a coordinación ambiental	36.940,68 €
Asistencia técnica para o seguimento arqueolóxico	11.876,40 €
Xestión de Residuos	39.431,22 €
Seguridade e Saúde	16.774,08€
Total costes directos	3.250.719,11 €
7,50% Costes indirectos s/3.250.719,11 €	243.803,93 €
6,25% Gastos Xerais s/3.494.523,04 €	218.407,69 €
Total presuposto de execución	3.712.930,73 €

Este expediente tramítase como anticipado de gasto ao abeiro da posibilidade prevista no artigo 1 da Orde do 11 de febreiro de 1998, que regula a tramitación anticipada de expedientes de gasto, modificada respectivamente pola Orde do 27 de novembro de 2000 e pola Orde do 25 de outubro de 2001 e queda condicionado á existencia de crédito axeitado e suficiente nos orzamentos xerais da Comunidade Autónoma de Galicia que se aproben para o ano 2022.

As partes expresan o seu ánimo de participar e colaborar na consecución deses





intereses comúns de apoio ao medio rural galego ao abeiro do Decreto 246/1992, do 30 de xullo, polo que se regulan as condicións para a execución en réxime de cooperación coas corporacións locais ou outros entes de dereito público para a realización de obras titularidade das mesmas. Os intereses converxentes das partes asinantes exclúen o ánimo de lucro.

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Este Convenio ten natureza administrativa e para a súa tramitación tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público e demais normas de dereito administrativo.

Santiago de Compostela, na data da sinatura electrónica
A directora xeral de Desenvolvemento Rural
Inés Santé Riveira

